

19.04.2021թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 0019684

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մանգականյանս, ուսումնասիրելով 19.04.2021 թվականի թիվ 19684 վարչական իրավախախտման վերաբերյալ արձանագրությունը, քննելով թիվ 19684 վարույթը և կից նյութերը,

ՊԱՐԶԵՑԻ

«ԴԱՅՄՈՆԴ ՍԹԱՖՖԻՆԳ ԳՐՈՒՊ» ՍՊԸ-ի (ՀՎՀՀ՝ 00188137) տնօրեն Տիգրան Պետրոսյանը (հասցե՝ ՀՀ, ք.Երևան, ՏՈՒՐՈՒԽԻՆ 34 2) «ՀՀ և ԵՏՄ անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածով սահմանված ժամկետում չի ներկայացրել հարկային մարմին 22.01.2021-ին կատարված ներմուծման հարկային հայտարարությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Կողմը ծանուցված լինելով՝ ներկայացրել է դիմում առ այն, որ «ԴԱՅՄՈՆԴ ՍԹԱՖՖԻՆԳ ԳՐՈՒՊ» ՍՊԸ-ի կողմից ներմուծման հարկային հայտարարությունը ներկայացվել է 19.02.2021թ-ին՝ օրենքով սահմանված ժամկետում, որից առաջացած 37.356 ՀՀ դրամ ներմուծման ԱԱՀ-ն վճարվել է 25.02.2021թ-ին և խնդրել է հաշվի առնելով նշված փաստերը՝ վարչական վարույթը կարճել, և կից ներկայացրել է միասնական հաշվի քավածքը և ներմուծման հայտարարագրի էլեկտրոնային էջի պատճենը:

Ուսումնասիրելով ՀՀ ՊԵԿ տեղեկատվական համակարգում առկա տվյալները, պարզ է դառնում, որ «ԴԱՅՄՈՆԴ ՍԹԱՖՖԻՆԳ ԳՐՈՒՊ» ՍՊԸ-ի կողմից ներկայացվել է միայն կատարված ներմուծման հարկային հայտարարագիրը, սակայն ներմուծման հարկային հայտարարությունը առ 19.04.2021թ-ի դրությամբ ներկայացված չէ, ուստի բացակայում են վարչական պատասխանատվությունը բացառող հանգամանքները:

Այն փաստը, որ Տիգրան Պետրոսյանի կողմից իրավախախտումը վերջին մեկ տարվա ընթացքում կատարվել է առաջին անգամ, սույն գործով դիտվում է որպես պատասխանատվությունը մեղմացնող հանգամանք:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասի՝ Տիգրան Պետրոսյանի նկատմամբ կիրառել վարչական տույժ՝ նշանակել տուգանք 10.000 (տաս հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄԱՆԳԱԿԱՆՅԱՆ



Ծանոթություն. Վարչական իրավախախտումների վերաբերյալ ՀՀ օրենսգրքի համաձայն
Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը
չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա
ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է մեղականվել գանգատը քննելու
համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ
որոշումը կարող է բողոքարկվել ՀՀ վարչական դատարան՝ երկամսյա ժամկետում:
Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ
օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու
մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին.
900005240487՝ վճարման անդորրագրի <<նպատակ>> դաշտում պարտադիր նշելով որոշման համարը:
Տուգանք ընշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին
որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն
ենթակա է բռնագանձման օրենսդրությամբ սահմանված կարգով:
Ստացա որոշման պատճենը